

Iroun Beretitenti
Dieter-F. Uchtdorf
Te Kauoman ni Kauntira n te
Moan Beretitentii



Maungatabu ni Kabuta — Bon te Kakabwaia tai Manuokinna

Te manna te membwa n te Ekaretia e taetae ma kaain rarikina ae tiaki kaain ara aaro. Ngke a a moana aia marooro iaon te maungatabu ni kabuta, e titiraki kaain rarikina, "Ko taku bwa iai ami burabeti ao abotoro? Ao inanon uoua te tai n te ririki iai ami maungatabu n te aonaaba ni kabuta aika kaotiai ana taeka te Atua?"

"Ngaia raoi anne," e kaeka te membwa ma te aki nanououa.

Teuarei e iangoa anne inanon tabeua te tai. E taraa n ae e rangi ni kan ongora ao ngkanne e a titiraki, "Tera bwaai aika taekinaki n te maungatabu ni kabuta ae nako?"

N te tai aei te membwa n te ekaretia ae e tamaroa e roko irouna te namakin ma te ingainga ibukin tibwauaan te eungkerio ma e namakina te maamaa. E bon rangi ni kataia, ma e aki kona n iangoa aron kabwarabwaraan teuana te marooro.

Raraona e kunea bwa te bwai aei e katabetabea ao e taku, "Ko nanonna n tuangai bwa te Atua e taetae nakoia aomata inanon ara bong ao ko aki kona n uringnga terana te bwai are E taku?"

Te tari aio e namakina te karinanoaki n te marooro aio. E berita bwa e na karaoa ae tamaroa riki n uringii

taeka ake a taekinii ana toro te Uea n te maungatabu ni kabuta.

Ti bane n ataia bwa e kaangaanga ae ti na bane n uringii taetae ni kabane man te maungatabu ni kabuta, ao I bon koaua bwa tiaki tangiria ni maamaa ngkana ti aki uringii bwaai ni kabane. E ngae n anne, iai rongorongo inanon maungatabu ni kabuta ae nako ake ti anganaki bwa te bwai n tituaraoi ao te kakabwaia mai karawa ni kaonotaki ibukin oin maiura nako.

N te katauraoi ibukin maungatabu ni kabuta, kariaiai bwa N na karioi teniuia oin iango ake a na kona ni buokiira bwa ti na butimwaea raoi, uringnga, ao ni kamwakurii taeka ake a taekinaki irouia ana toro te Uea.

1. Membwa n te Ekaretia a katauaki nakon te kaotioti are e bon onoti nakoia ngke a kakauongo nakon ao ni kamatebwai taeka ake a kairaki mai karawa n tain te maungatabu ni kabuta.

Ngke ko a katauraoiko ibukin te maungatabu ni kabuta, I kaoiko bwa kona iangoi raoi titiraki ake ko tangiraki bwa kona tia ni kaekai. Ibukin te katooto, ko na tangira te kairiiri ao te kakawakin mairoun te Uea ni kaineti ma kakaewenako ake ko a kaaitarai.

Kaeka nakon am tataro aika onoti a kona ni kainetaki

n roko man te marooro teuana ke man te kibu n taeka aika a onoti. N tabetai kaeka a kona n roko man te taeka ae e taraa n akea irekerekena, kibu n taeka, ke anene. Te nano ae e onrake ma te kakaaitau ibukin kakabwaia n te maiu ao te nano ae korakora ni kan ongo n iira te taeka n reirei e na katauraoa te kawai ibukin te kaotioti ae onoti.

2. Tai aki kubara te rongorongo tii ibukina bwa ko a taneiai n te bwanaa anne.

Burabeti a tia n taainako n reireiniira man te kao-kiokaki; bon te tua ibukin te wanawana. Ko na ongo taian boto n iango ao reirei aika kaokiokaki inanon te maungatabu ni kabuta. Kariaiai bwa N na kakoaua nakoimi: aio tiaki bukina bwa akean te karao bwai man baira ke te iango. Ti reitinako n ongo rongorongo iaon bwaai aika ti te arona ibukina bwa te Uea e reireiniira ao man katikui iaon ara iango ao nanora koaua aika rangi ni kakaawaki aika aan te maiu are akea tokina are a riai n ataaki ao ni mwakuriaki imwaain ae ti mwaing nakon bwaai ake tabeua. Te tiakateitei ae wanawana e kawenea moa aan ana kateitei imwaain ae e katea oona ma taubukina.

3. Taeka ake a taekinaki n te maungatabu ni kabuta a riai n riki bwa ara kambwati are e kotea te kawai ibukira n namwakaina aika a na roko.

Ngkana ti kakauongo nakon ao n iira ana wirikiriki te Tamnei are Raoiraoi, a na riki bwa ara Riaona, ae e na kairiira rinanon kawai aika tiaki atai, mwanono aika a na kataira ao maunga aika imwaaira (tarra 1–Nibwaai 16).

Man te tai are e moanaki te aonaaba, te Atua e atia ni kateirakeia burabeti ake a na taekina ana kantaninga mai i karawa nakoia aomata n aia tai. Bon tabera bwa ti na kakauongo ao ngkanne ni kammwakurii taian rongorongo are e katauraoi te Uea ibukira.

Tamara are i Karawa e nanoanga ao n tangira e a tia n aki mwaninga ao e na aki mwaninga Natina. N te bong aio, n aron taai ake ngkoa, E a tia n rinea abotoro ao burabeti. E reitinako ni kaota Ana taeka nakoia.

Ai kamimiira te karineaki ni kona n ongo ana rongorongo te Atua ibukira ngaira n tatabemaniira nako n tain te maungatabu ni kabuta! Ti a katauraoira raoi ibukin te

kakabwaia ae korakora aio man te kairiiri mai karawa are a karokoa ana toro ake a tia n rineaki.

Ibukin aio bon te kakabwaia tai manuokinna.

ANGA REIREI MAN TE RONGORONGO AEI

- Booti ngkami ni wareka te rongorongo. Kaunga te utu ni kinai bwaai aika a na ongoraai n tain te maungatabu ni kabuta.
- Buokia kairake n ataei ni kammwakuri taian reirei are e anga Beretitenti Uchtdorf, kaota nakoia te tiaata ibukin te Mataniwi ni Kabuta (a kuneaki inanon rongorongo man te maungatabu n te Riaona). Tuangiia bwa a na ataia bwa te Moan Beretitentii ao te Kooram n Abotoro are Tengaun ma Uoman a na taetae inanon te maungatabu ni kabuta. Kaungaia ataei bwa a na ongora nakon te maungatabu ao ni korea te tamnei ni buokia bwa aonga n uringa bwa tera are a tia n reireinaki. Kaaro a kona ni kawara conferencegames.lds.org ibukin aia mwakuri riki ataei man te maungatabu.

RORONRIKIRAKE

Tamaroa, Tamaroa riki, Te kabanea n Tamaroa

Iroun Mary-Celeste Lewis

Inanon ana taetae n te maungatabu ni kabuta n Okitobwa 2007, Unimwaane Dallin[nb H. Oaks man te Kooram n Abotoro are Tengaun ma Uoman e taetae iaon mwakuri ni kakukurei aika "tamaroa, tamaroa riki, ao te kabanea n tamaroa." Ngke e a taetae n te mwakoro are ibukin "katabeaia ataei n te aro ae e nangi ni bat," I namakina te karawawataaki ao te kaairua inanon au kaintekateka.

I ataiia bwa I karaoa ae e rangi ni mwaiti. I bon mena inanon kaotioti n tain te reirei, n irii kiraati aika kakaewenako inanon te reirei, ao n irii mwakuri ni kakukurei aika bat ake tabeua. I tuai man iriiri aia mwakuri ni kakukurei Kairake n Ataeinaine n te aro ni kakaonimaki, ao au Tabati a onrake ma te korakai n te iango ni kataia ni katiai au homework n te kabanea ni miniti. Te kataneiai n te katangitang ao n rinanon ana

nutibeebwa te reirei a tia ni bua aroia ni kangare ao a tia n riki bwa te mwakuri.

Ana taetae Unimwaane Oaks e karikai bwa N na taraa raoi aron karaoaan tabeu. Au waaki a bane n tamaroa, ma a bon rangi ni mwaiti. I atia n rinei kabanea n tamaroa. Ngkai I kataia n iangoia bwa mwakuri ni kakukurei raa aika N na mwaninga taekaia, I ataia bwa ana euangkerio lesu Kristo te kabanea ni moanibwai ae temanna e riai ni karekea. I katuka te tataro ao kamatebwaiian booki aika tabu n taian kabanea ma ieta n au riti, ao man te tai anne, maiu e atia ni buti raoi.

Unimwaane Oaks e reireinai bwa ngkana ti karaoa te bwai are e tangiria te Uea bwa ti na karaoa n te *moan*, ni kabane bwaai a na bane n roko raoi n aroia. Ngkana I kamatebwai booki aika tabu imwaain ae I takakaro ke imwaain ae I karaoa au bwai-n-reirei n te mweenga, ni kabane bwaai aika kakaawaki a na bon bane n tia. Ngkana I kabota maiu iroun te Uea, n onea mwiin are kairakinakoai bwa te mwi ni iango, maiu e na tia ni karekea te raka n te rau ao te tokanikai.

Ngkai I a rangi n tauaoi n ongora nakon reirei ake a taekinaki n te maungatabu ni kabuta!

ATAEI

I Kona ni Kunei Kaeka rinanon Maungatabu ni Kabuta

B eretitenti Uchtdorf e anga reirei bwa ngkana ko iangoi tabeua titiraki imwaain te maungatabu ni kabuta, te Uea e kona n taetae nakoim rinanoia Ana Burabeti ao ana abotoro n tain te maungatabu.

1. Ngkai te utu ke te kiraati, maroroakinna bwa tera ae ko tangiria ni kan reiakinaki iai, tao n tatabemning ngkami ke ni bootaki. (Ibukin te katooto: N na kangaa ni kakorakora au kakoaua? N na kangaa n tokanikai iaon au kangaanga n te reirei?) Iaon te mwakoro ni beebea ke inanon am tienoro, korei am titiraki.
2. Inanon wiiki imwaain te maungatabu, ko kona n iangoi ao n tataro ibukin titiraki aikai.
3. Kakauongo raoi n tain te maungatabu (e kona n ibuobuoki ni koroi bwaai ake a taekinaki). Ngkanne koreia bwa e kangaa te Uea — rinanoia taan kairiiri n te Ekaretia — ni kaekai am titiraki.
4. Iaon te mwakoro ni beebea teuana, ko kona ni korea tamneim ni karaoa are ko reireinaki iai.



Kakorakoraakin te Utu man Karikirakean te Maiu n Tamnei

Kamatebauia te karaki aio ao, n ae e angaraoi, maroroakinna ma tenaan tiitita ake ko kawariia. Kabonganai titiraki bua e donga ni buokiko ni kakorakoraia am tiitita ao ni karaoa te Bootaki n Aine bua iteran maium ae kakammwakuri.

Julie B. Beck, te beretitenti ni kabuta n te Bootaki n Aine, e taku: “E a tia n rikirake inanou te kakoaua ae rangi ni bati ibukin kakawaakiia natin te Atua aika aine. . . I a tia n namakinna bwa e a tia n akea te tai ibukin kainnanoaia ae rangi ni bati ibukin te onimaki ao tamaroaia ibon irouia ae rikirake. Bon akea ngkoa kainnanoan te utu ao te mweenga ae rangi ni kainnanoaki.”

Tenaan titita a kona n ibuobuki ni karika te mweenga ao te utu ae korakora ngkai a mwakuri iaon kaotioti aika onoti. “Te konabwai n tau ibukin, ni karekea, ao ni mwakuri iaon kaotioti aika onoti bon teuana te kabanea ni kakawaaki ni konabwai ae e kona n reke inanon te maiu aei,” Titita Beck e reitia. “Anuam ibukin Tamnein te Uea e moanaki ma te tangira ibukin te Tamnei anne ao e tangira anuam ae bon tau. Kawakinan tuua, te rairanano, ao kabouan berita aika tabu ake a karaoaki n tain te bwabetito e kairiko nakon te kakabwaia ni karekea n taainako Tamnein te Uea irouraa. Karaoan ao kaawakinan berita aika tabu man te tembora e ikota naba korakoran te tamnei ao te korakora nakon maiun te aine. Kaeka aika bati nakon titiraki aika matoatoa a kuneaki man warekan booki aika tabu ibukina bwa booki aika tabu bon bukan te kaotioti. . . Te tataro ni katoa bong e bon kakaawaki ni karekean Tamnein te Uea iroura.”¹

Ti kakorakora naba tamneia kaain ara utu ngkai ti buokiia bwa a na ataa ana babaire are akea tokina Tamara are i Karawa. “Tera ae ti na kona ni karaoia ni katauraoia raoi natira n te maiu n tamnei ibukin tabeia are akea tokina?” Unimwaane M.–Russell Ballard man te Kooram n Abotoro n te Tengaun ma Uoman “Tao teuana te kaeka ae te kabanea ni kakaawaki bon: Reireiniia bwa a na kangaa ni maiuakina ana reirei te euangkerio.” Te anga reirei aio e roko rinanon te tataro ni katoabong, kamatebwaian booki aika tabu, ao ana tai n amarake te utu n ikotaki naba ma te kainutu n te tairiki ni katoa wiiki ao iirakin te taromauri. Unimwaane Ballard e kamaataataa: “Ti katauraoi ni katoa bong, man te tai aei, ibukin te maiu ae akea tokina. Ngkana ti aki katauraoi ibukin te maiu are akea tokina, ti katauraoira ibukin te bwai teuana ae e uarereke, tao te bwai teuana ae e rangi ni uarereke.”²

Man Booki Aika A Tabu

Taeka n Rabakau 22:6; 1 Ioane 3:22; Doctrine and Covenants 11:13–14; 19:38; 68:25

Man Ara Rongorongo ni Kawai

Te Burabeti Iotebwa Timiti e reireiniia tenaan titita inanon ana boowi te Bootaki n Aine n Eberi 1842 bwa iai tabeia ae rangi ni

kakaawaki nakon oin kamaiuaia. E taku, “Imwiin [au] kaetieti, kam na bukinaki ibukin oin ami bure; bon te karineaki ae tangiraki bwa kam riai n nakonako imwaain Tamara are i karawa bwa ko aonga ni kamaiuko i bon iroum; ti bon katabeaki ni kabane nakon te Atua ibukin arora ni katamaroa te oota ao te wanawana are ti anganaki iroun ara Uea bwa ti aonga ni kona ni bon kamaiua i bon iroura.”³ E reireiniia bwa a na riki n tamaroa n tatabemanii nakon, n riki bwa aomata aika a tabu, ao ni katauraoaia ibukin otenanti ao berita aika tabu n te tembora.

BWAAI AIKA A NA TARAAKI

1. Julie-B. Beck, “And upon the Handmaids in Those Days Will I Pour Out My Spirit,” *Riaona*, Meei 2010, 10, 11.
2. M.–Russell Ballard, “Spiritual Development,” *Ensign*, Nobembwa, 1978, 65, 66.
3. *Reirei mairouia Beretitenti n te Ekaretia: Iotebwa Timiti* (2007), 355.

Tera ae I Kona ni Karaoia?

1. N na kangaa ni buokiia au titita ni karikirakeia inanon te toronibwai n te maiu n tamnei?
2. N na kangaa ni katamaroa oin au konabwai ni kinaa ao ni kaeka nakon te Tamnei ae Raoiroi?

Ibukin rongorongona riki, nakon www.religionsociety.lds.org.